

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZENICI  
Broj: 43 0 St 243914 24 St  
Zenica, 18.09.2024. godine

Općinski sud u Zenici, stečajna sutkinja Sanja Pavlić, odlučujući o prijedlogu za otvaranje stečajnog postupka nad stečajnim dužnikom „ANKOM“ PROIZVODNO, PROMETNO I USLUŽNO DRUŠTVO d.o.o., VISOKO, ul. Kralja Tvrtka br.62., Visoko, koga zastupa punomoćnik Mehmed Vranac advokat iz Visokog, 18.09.2024.god., donio je slijedeće:

### R J E Š E N J E

Pozivaju se vjerovnici i zainteresirane osobe da u roku od 30 dana od dana objavljivanja poziva na oglasnoj tabli suda, web stranici suda-elektronskoj tabli suda i u Službenim novinama F BiH, predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 3.000,00 KM na depozitni račun suda, broj: 134-010-0000044837 otvoren kod ASA Banke d.d. Srajevo, Poslovnica Zenica.

Ako vjerovnici i zainteresirane osobe ne predujme iznos naveden u stavu jedan ovog rješenja u određenom roku u ovom rješenju, upozoravaju se da će stečajni sudac otvoriti stečajni postupak i odmah zaključiti postupak nad društvom „ANKOM“ PROIZVODNO, PROMETNO I USLUŽNO DRUŠTVO d.o.o., VISOKO, ul. Kralja Tvrtka br.62., Visoko.

Ako zainteresirana osoba predloži otvaranje stečajnog postupka i uplati predujam u navedenom roku stečajni sudac će otvoriti stečajni postupak i voditi ga u skladu sa odredbama Zakona o stečaju.

### O b r a z l o ž e n j e

Predlagatelj društvo „ANKOM“ PROIZVODNO, PROMETNO I USLUŽNO DRUŠTVO d.o.o., VISOKO, koga zastupa punomoćnik Mehmed Vranac, advokat iz Visokog, podnio je prijedlog za otvaranje likvidacionog postupka nad društvom „ANKOM“ PROIZVODNO, PROMETNO I USLUŽNO DRUŠTVO d.o.o., VISOKO, ul. Kralja Tvrtka br.62., Visoko. Rješenjem br. 43 0 L 227948 23 L od 03.10.2024. godine pokrenut je likvidacioni postupak, a na ročištu održanom dana 19.03.2024. godine likvidacioni sudija je donio rješenje da se spis prevede u stečaj. Na ročištu za ispitivanje uvjeta za otvaranje stečajnog postupka likvidator Selma Vranac je izjavila da društvo ne obavlja poslovnu djelatnost, nema nepokretne imovine, nema pokretne imovine, zalihe na stanju, niti je likvidator zatekao sredstva na transakcijskom računu niti u blagajni društva. Izjavila je da je za potrebe provođenja likvidacionog postupka pribavila izjavu direktora i osnivača društva, a na okolnosti da u momentu sastavljanja obračuna na dan 31.12.2022. godine iznos od 92,00 KM se nalazio na transakcijskom računu društva, ali po zadnjem izvodu broj 7. od dana 30.04.2023. godine stanje na transakcijskom računu iznosi 5,58 KM s tim da je dug za neizmireni iznos provizije za održavanje transakcijskog računa 72,00 KM i isti je evidentiran kod ASA Banke d.d. Sarajevo, te da je stanje na transakcijskom računu u iznosu od 0,00 KM sa naprijed navedenim dugom. Također je izjavila da je za provođenje likvidacionog postupka pribavila uvjerenje nadležnih institucija i to: Uvjerenje od Grada Visoko u kojem se navodi da društvo nije upisano kao posjednik u katastarskom operatu, Uvjerenje izdato od Općinskog suda u Visokom - odjel za ZK poslove u kojem se navodi da društvo nije upisano kao vlasnik odnosno suvlasnik nekretnina za područje ZK ureda Općinskog suda u Visokom i Uvjerenje izdato od MUP - Odsjek za administraciju Visoko, u kojem se navodi da društvo ima u vlasništvu teretno motorno vozilo Ford Escort VAN, reg. oznaka : K28 A Uvjerenja MUP-a - Odsjek za administraciju 279, a koje je objavljeno, a koje shodno izjavi direktora i osnivača društvo na okolnosti naprijed navedenog uvjerenja, likvidator došao do saznanja da je predmetno vozilo prodato na otpad zbog dotrajalosti, da isto više nije bilo upotrebljivo, te je otpisano iz poslovnih knjiga, ne vodi se u knjigovodstvenim evidencijama, ali je ostalo evidentirano kod MUP - Odsjek za administraciju kao objavljeno, te da za predmetno vozilo ne postoji dokumentacija o prodaji na otpad. Što se tiče potraživanja društva iznose 0,00 KM. Izjavila je da u Bilansu stanja na dan 31.12.2022. godine na poziciji ostala imovina i razgraničenja evidentiran je iznos od 5,37 KM, te shodno izjavi direktora i osnivača društva naprijed navedeni iznos se odnosi na potraživanje za postignutu razliku

ulaznog poreza u poreznom periodu i isti se odnosi na potraživanja po PDV prijavama koje je u zapisniku o kontroli UIO BiH od 09.11.2023. godine evidentiran, ali sa druge strane iskazan iznos od 25.125,44 KM obaveze za PDV, te u prebijenom stanju potraživanja za postignutu razliku ulaznog poreza iznosi 0,00 KM. Što se tiče obaveza društvo ima prijavljenih obaveza i to prijavu potraživanja UIO u iznosu od 28.105,67 KM i prijavu potraživanja Porezne uprave F BiH KPU Zenica, iznos od 900,51 KM, ukupno prijavljene obaveze iznose 29.006,81 KM, te da su prijavljene obaveze osnovane.

Likvidator je izjavila da shodno navedenom obzirom da društvo nema imovine neophodne za namirenje prijavljenih povjerilaca da predlaže sudu da pozove povjerioce da predujme iznos od 3.000,00 KM, na ime eventualnog vođenja stečajnog postupka, te ukoliko niko od povjerilaca ne uplati da sud donese rješenje kojim se otvara i zaključuje stečajni postupak.

Iz izvještaja likvidatora se vidi da u društvu nije evidentirana imovina, a također isto proizilazi iz Uvjerenja Grada Visoko Službe za urbanizam, imovinsko-pravne poslove, geodetske poslove i katastar nekretnina, Uvjerenja Općinskog suda Visoko - Odjeljenja za zemljišno-knjižne poslove i Akta MUP-a Odsjek za administraciju Visoko, u koje je sud izvršio uvid.

Kako stečajni dužnik ima obveze, a nema imovine, pa ni za troškove stečajnog postupka, to je sud primjenom odredbe čl. 102. stav 7.8. i 9. Zakona o stečaju („Sl. Novine F BiH“ broj: 53/2021), pozvao vjerovnike i zainteresirane osobe da predujme dovoljan novčani iznos za pokrivanje troškova stečajnog postupka (otvaranje i provodjenje stečajnog postupka), ako su zainteresirani za vodjenje stečajnog postupka, kod situacije kada nema imovine stečajnog dužnika iz koje bi se mogle namiriti obveze, pa ni sami troškovi otvaranja i vodjenja stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vodjenje stečajnog postupka.

S obzirom na izloženo odlučeno je kao u izreci ovog rješenja primjenom odredbe čl. 102. stav 7.8. i 9. Zakona o stečaju. Ovim rješenjem vjerovnici i zainteresirane osobe su upozoreni na posljedice propuštanja postupanja po pozivu ovog suda.

**PRAVNA POUKA:**  
Protiv ovog rješenja nije  
dozvoljena žalba.

Stečajna sutkinja  
Sanja Pavlić